

石柱記箋釋



石柱記箋釋

鄭元慶箋釋

中華書局

2635

叢書集成初編

石柱記箋釋

中華書局出版發行

(北京王府井大街三十六號)

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

石柱記箋釋

此據粵雅堂叢書
本排印初編各叢
書僅有此本

湖洲石柱。在宋初字已漫漶。歐陽永叔謂其筆畫奇偉。非顏魯公不能書。於是宋次道集魯公詩文刊於金石者。編成一十五卷。則石柱記存焉。孫莘老知湖州。聚境內碑碣。築墨妙亭貯之。凡三十二通。記其一也。所記山川陵墓廟宅。旁及屏風竹帳雉尾扇。顧唐設五縣。而記遺其二。或當日有之。次道編集時殘闕。未可知爾。吾友鄭子苙畦。既輯府志一百二十卷成。又箋釋石柱記四卷。復商之于補遺一卷。考證詳覈。可稱周見洽聞矣。墨妙亭之建。蘇子瞻爲之記。一時詩流寄題踵至。今其遺石。因府治卑溼。用填淤泥已久。夫峴山之碑。一沈江底。尙觀其深谷爲陵。若亭中諸碑。未淪於水。假有賢太守發而復樹之。何難與莘老並美。又安見石柱之不可再觀乎。竹垞老人朱彝尊。

顏正烈文忠公。泐吳興山川陵墓古蹟於石柱。樹杼山年遠剝落。孫莘老取而貯之墨妙亭。更六百餘載。竟歸銷滅。鄭子苴畦搜得真本。補亡訂譌。箋釋盡善。予旅寓秦郵。苴畦輕舟求訪。出一編見示。亟讀之。覺山明水秀。酒美茶香。歷歷在我目前。秦郵去吳興雖隔越江湖。然俱禹貢揚州之城。莘老以郵人典湖郡。收殘拾廢。志在不朽。予今居其故里。秋清月白。尋珠光於甃社之陰。當開苴畦所貽下若春。呼莘老而弔之。曰。石柱記。鄭子已箋釋之矣。行將有事於吾公墨妙亭小志。莘老雖遙。當必聞聲而囁然笑也。蘿邨蔣國祥。

龔子視浙學七十二城紛紛上地志。偶檢閱之。蕪穢紕謬不一而足。吳興尤甚。族子苴畦。醞釀經史。粗爲郡志。發凡起例。一洗前志之陋。己卯冬。弭檝霅川。已樂觀其書成。今開正上浣。來自秦郵。將渡河北。上金亭。留飲十日。酒酣耳熱之頃。問其志何以不梓。苴畦告予曰。某之爲是書也。大約憑史不憑志。循理不循情。略舉一二。如沈約弑其君。舊志尊爲名賢之冠。春秋血食。沈文叔一門忠孝。舊志削而不書。予並表出之。近世有兩節婦焉。一王烈婦。夫亡棄孀姑。襁褓諸兒。自溺死。一孫烈婦。夫亡子然一身。不食七日死。予獨爲孫作傳。一時賢王者。雖多方陳請不少回。夫是以譁然議論遽起。不知者以爲改竄舊本。殆不可信也。其知者以爲不虛美。不隱惡。史體也。而非志體也。於是遂不果梓。予聞之。豐然因喟直道之難行也。夫太史之簡。董狐之筆。千古能有幾人。而欲踵其事而爲之。其不爲造物者所忌。蓋亦鮮矣。顧以子之才品。不羣。不屑寄人籬下。甘自留落。既難見信於有司。又不獲告無罪於鄉井。子何徒自苦。少陵詩云。本賣文爲活。翻令室倒懸。子第安於所遇而已。而何此中技癢。終不能自己。又箋釋石柱記。將布諸梨。以序見屬。不辭而爲之詞。且慰之曰。此不過湖志之一斑耳。姑先行之。全志具在。當世不乏知音。必不久闕笥中。徒飽蠹魚之腹也。晉安愚叔開極題。

吳興山水秀麗。人文輻輳。治博士家言之外。兼該古學。家有藏書。予往在試院。有句云。書肆架多陳汲冢。儒林家自握靈珠。紀其盛也。荏畦鄭子。予兩試俱高等。以郡志殘闕。旁諏博考。成一百二十卷。向已歎其該洽。今來淮上。示予箋釋石柱記一篇。魯公官轍所屆。多冥搜勝蹟。如麻姑碑。華嶽廟石幢。不可數記。大抵忠孝人。必具真性情。所值山川人物。未有浮雲過眼。如郡有錫山而不知者。雖其中閒有譌誤。恐亦如子瞻以赤鼻爲赤壁。借以張所寓之邦。不足深辨也。鄭子抽其腹笥。引而伸之。亦已勤矣。予老且憊。度不復與吳興山水人文作緣。對此編。泫然點筆而爲之序。康熙歲次壬午五月既望。楚黃張希良。

志吳興者。張元之山墟名。王韶之郡疏。山謙之記。張文規雜錄。陸羽圖經。顧雲總裁。陸龜蒙實錄。左文質
統記。紹興續圖經。淳熙舊編。皆郡官寄公所作。非生長於湖者。安能備悉湖事。今諸書不概見。宋嘉泰中。
樞密院編修談倫。始以郡人志郡事。而陳振孫。譏其書草率。未得盡善。明成化志。訓導陳頤作。嘉靖志。訓
導浦南金作。萬歷志。假託爲唐一菴作。掌故集。華亭徐獻忠作。相沿舛錯。莫可徵信。頃借書臨舫。得宋槧
石柱記。載山川陵墓。亡者三之一。其存而不可信者。亦三之一。吾湖浙西佳郡。何不幸而使數千百年文
獻無徵。至於此極邪。竹垞先生。惜其殘闕。爲補記二縣。旣完且好。余乃一一箋釋。證其所可信。復辨其所
不可信。甫脫囊。先生見之。賞擊命鈔副本。藏曝書亭。辛巳七月晦日。歸安鄭元慶識。

三年築舍。人莫不嫻之。余作志。且七八年。成而弄之。匿衍。則與不成何異。用是愴悵不得意。去冬典書南
大麓。作汗漫之遊。孟城卒歲。囊中裝盡矣。復寄食淮陰。會吾師張石虹先生。纂格物外編。不廢芻蕘。甚許
可。是書以謂辭不費。而指頗深遠。數將芟剗木。歸商之同好。咸鼓舞開雕。匝月而竣。嗟乎。吾半世精神。積
年視聽。豈僅託於是乎。管窺蠡測。眇眇自慙。夫亦曰。不賢者識其小者而已。壬午日長至。桑亭園南鄰處
士。載書於吳閶之白蓮華徑。

石柱記

唐金紫光祿大夫行湖州刺史上柱國魯郡開國公顏真卿撰

烏程縣

舊繁今望鄉四十里二百東去蘇州二百一十里南去杭州一百八十九里西北去揚州六百四十七里西去宣州一百一十七里北去東都二千八百七十五里北去上都三千七百七十六里

帝顓頊冢

吳大帝陵

吳景帝陵

鈕皇后陵

吳丹陽太守蕪湖侯太史慈墓

吳大將軍朱治墓

吳蕩寇將軍程普墓

晉侍中羅含墓

石柱記

晉黃門侍郎潘尼墓

齊宣城太守丘靈鞠墓

梁中書侍郎丘遲墓

梁司空康絢續墓

陳五兵尚書康宗墓

長城縣

大雷山

芳巖

震澤

若溪

吳王夫槩廟

陳景帝陵

陳錢皇后陵

陳昭烈王陵

謝安墓

殷仲文墓

陳武帝故宅

陳文帝故宅

吳均故宅

陳氏五主屏風

陳高祖竹帳

國朝高僧南山律主道宣

安吉縣

天目山

崑山

橫溪

梅溪

蛟龍池

石柱記

石柱記

翔鳳林

裴子野故宅

周宏讓故宅

姚萇雉尾扇

施世瑛金鐘

山川

卞山

法華寺

金井

玉瀾

乳竇

石膏

溫泉

項王走馬埒

項王飲馬池

項王繫馬石

衡山

帝顓頊冢

春秋鳩茲城

峴山

顯亭

故別駕李適之石酒罇

五花亭

杼山

妙喜寺

黃浦橋

避它城

何楷釣臺

昇山

吳均入東記 晉吳興太守王羲之烏亭

金蓋山

何氏書堂 張邵邱道祚禪幽寺

太湖

周迴四萬八千頃

霅溪

白蘋洲

石柱記

石柱記

皇朝日講官起居注翰林院檢討直南書房秀水朱彝尊補

德清縣

市亭山

金鵝山

吳光山

餘不溪

北流水

苧溪

餘不亭侯廟

梁吏部尙書沈約墓

孝鵝冢

武康縣

防風山

武康山

七里嶠

前溪

阮公溪

郭先生祠堂

沈道虔石山精舍

吳太常卿姚信墓

晉吏部尚書沈嘉墓

晉揚威將軍東陽太守沈勁墓

宋吏部尚書沈演之墓

石柱記箋釋卷一

荏畦 鄭元慶 箋釋

湖州石柱記文字殘缺其存者僅可識讀考其所記不可詳也唯是筆畫奇偉非顏魯公不能書耳公忠義之節明若日月堅如金石自可以光後世傳無窮不待其書然後不朽然公所至必有遺跡故今處處有之唐人筆蹟見於今者唯公最多視其鉅書深刻或託於山厓其用意未嘗不爲無窮計也蓋亦有趣好所樂爾其在湖州所書爲世所傳者唯千祿字書放生池碑尙多見於人家而千祿字書乃楊漢公摹本其真本以訛缺遂不復傳獨予集錄有之唯好古之士知前人用意之深則其湮沈磨滅之餘尤爲可惜者也

集古錄

石柱記殘缺不見年月及書撰姓名其字畫顏魯公書也凡湖州諸縣皆記其山川前古陵墓

集古錄目

石柱記舊在杼山今在墨妙亭

輿地碑記目

按魯公年譜大歷七年壬子公年六十四九月至東京除湖州刺史十一月發東京八年癸丑正月至任七月追建放生池碑銘是年有題三癸亭醴醴處士折青桂花見寄詩水堂送諸文士戲贈潘丞聯句十二月有沈氏述祖德碑銘記元靖李先生